

心性論序

雲峯禪師 自述心性一卷論 以爲叢林之眼目 如斯奇異之事 何處又有二哉 自如來入滅 以至于今 造論釋經之賢哲 代不乏人 而且舉二三 清涼之於華嚴 圭峯之於圓覺 環師之於法華 又於金剛一經中 各自著解之於五大士 探實發揚 俱通宗說 乃典乃文 可謂一經之正眼 三藏之絕詮者也 而至於人人 各具其靈心之理 與男修善而男生天 女作惡而女入地 張三李四 不曾借借之事 未之有顯現處也 今雲峯不揆是古非今之意 年八十 自答辨說 刻梓方印 以示千千 孰謂之不然者哉 願同志者 以爲指南 不迷正方如何如何

時聖上即位之十三年丙寅 五月 自章書

心性論序

雲峯子大智盥手焚香謹書

大智述 雲峯禪師心性論

人有圓滿空寂之心體 絕視聽而含太虛 人有廣大靈通之性用 離方處而周法界 雖世間最大莫過虛空 雖知有一物更過於此 蕭焉空寂 湛爾冲虛 無名可名 無相可觀 實相離名法 不得故 體量恢恢 恒沙性德 無量妙用 云爾 元自具足 智體上恒沙功德 無量妙用 全在衆生身中 圓滿具足故 虛空世界 皆在本覺之內 三界六道 悉是眞性之相 大道無邊際 虛空豈度量 能大而俱該沙界 能少而在一微塵 無去無來 歷千劫而不古 非中非外 徧十方而無窮 疾雷何大急 迅電亦非光 日月雖明 不能喻其明 不離日用 渴飲飢食常對面 常在動用 起坐相將 歲月長 希夷然 恍惚焉 迥出思議之表也 此下二紙半 擇取圭山釋如來藏中一切衆生身內 如來德相備足 如我無異之說 令諸初心 一時圓見佛意 圭峯云通云如來藏者 由三義故 一隱覆義 謂覆藏如來 故云藏也 藏有二義 如來所藏 衆生能藏 故理趣般若經云 一切衆生 皆如來藏 一切衆生者 胎卵濕化 蠢動含靈者是也 楞嚴云 化以離應 變易即離也 離此托彼 轉故趣新 名新故亂想 蛻脫故趣新也 如虫爲蝶 則轉行爲飛 如雀爲蛤 則蛻飛

爲潛 凡以不同形相 禪皆轉蛻也 如是衆生 皆有全一如來藏體 故能小而細入鄰虛之說 無疑也 必然理趣經次云 如來法身 既遍一切衆生中 而隱覆不現 故衆生即是如來藏也 藏有如來 故名如來藏 非謂藏即如來 如積中有金 名曰金積 非積即金 積乃是木 如藏是衆生 勝鬘云 生死二法 名如來藏 世尊 生死者 諸受根沒 次第諸受根起 是名生死 世尊 生死者 此二法 是如來藏 世間言說故 有死有生 死者 諸根壞 生者 新諸根起 非如來藏 有生有死 如來藏 離有爲相 常住不變 是故名如來藏 是依是持 如來法身 不離煩惱藏 名如來藏 如來藏經云 一切衆生 貪嗔癡諸煩惱 中有如來身 乃至常無染汙 德相備足 如我無異 言一切衆生 至如我無異者 經

① 康熙二十五年自章書記本(國立圖書館所藏) ② 高麗大學校所藏刊年未詳本。 栖岩溪谷科釋本 曾在明矣 只斷簡數板殘存 此書依其殘簡 補缺處於底本 以成一書也 故編次多異 異板亦混在其中 編者示其相異於脚註 以詳之 又有鉛印本 佛教學報第七輯收載。 ③ 此序文 無有 ④ 疑「蠢」次同。

初發起序云 爾時世尊 於旃檀重閣 正坐三昧 而現神變 有無量蓮華 未開華內 皆有化佛昇空 彌覆世界 一蓮華放光 同時舒榮 須臾萎變 華內化佛 跏趺放光 衆恠而疑 佛言 恠問 金剛慧菩薩問 何故諸佛 變現如是 次正宗初答云 如佛所化 無數蓮華 我以佛眼 觀一切衆生貪欲恚癡諸煩惱中 有如來藏 常無染汙 德相備足 如我無異 便以九喻 喻之二含攝義 謂如來法身 含攝身相國土 神通大用 無量功德 又亦含攝一切衆生 皆在如來藏內故 三出生義 謂此法身 既含衆德 了達證入 即能出生 故十地論云 地智能生無漏因果 亦能生成人天行 然約真妄和合 摠有二種行相 謂此經下云 如來藏自性差別 論云 眞如生滅 然真妄和合 各有二義 眞謂不變隨緣 妄謂體空成事 眞中不變 妄中體空 即眞如自性也 眞中隨緣 妄中成事 即生滅差別也 圭峯大師至如來藏中云 此下皆是現一心也 又云論指一心 云如來藏 經與論文 名別而義同 何者 論中生起修斷者 依

一心法而作也 圓覺中生起修斷者 依如來藏而作也 然非徒起信圓覺 性教四十餘部 亦復如是 故佛云 全一如來藏體 循業發現 發現者有二 一隨妄發現 此染緣起 二依眞發現 此淨緣起 然非惟人等 蠱動含靈 皆亦如此 佛又云 汝等一人 發眞歸元 此十方空皆悉消殞 或曰有漏空界 乃衆生同感 云何一人而能消殞 矧今古發眞者衆 而空界依然 安在其消殞耶 曰 衆生不可盡 世界不可盡 故雖一人發眞 而衆復感結 所以依然 使同業之人 同能發眞 則山河器界 應念化成 無上知覺 而爲淨妙佛土矣 故云三界與萬法 匪歸何有鄉 又不相應義釋中 即心覺者 心數 此下一紙疑有多端故 嘗試通決 所言法者 謂衆生心 出其法體 謂如來藏心 具和合不和合二門 以其在於衆生位故 若在佛地 則無和合義 以始覺同本 唯是眞如 即當所顯義也 眞如性中 雖曰絕相 然常無染汙 德相備足 有人但云絕相義 不云性功德之義 惑矣 今就隨染衆生位中故 得具二門也 論有覺不覺義 覺義中能悟所悟始本二覺 亦如貞元疏中能悟所悟之義 不覺

中又有根本枝末二不覺義 根本者文中眞如所迷也 不覺者 文中不知能迷也 圓覺理障中疏云 根本無明 名別而義同可知 又能障名 根本不覺 然從所障得名 故彌勒事障末文註云 理障智碍等 皆從所障得名 故大文次云 不覺心起而有其念者 枝末不覺 摠標名也 次下更有枝末不覺 枝末者 九相六染所迷也 能迷不覺 於此可知 四住地無明 又有二義 一信相應地菩薩所斷見修四住地無明也 意識中執取計名是也 二以不達一法界故 心不相應者 忽然念起者 即是四住地無明 無疑矣 說有前後者 上文四位中 所斷六染之惑全治 然影滅無明也 更重料揀 則雖有位治滅無明 兼滅六染明矣 此字下 染心與無明 以相應之義 釋之 上字下 以引證之 義明之 然則治滅並一時之義可知矣

雲峯禪師心性論

●雲峯大智述

將釋此論文二初引易道舉類後以論義正釋今初

夫子云 道不遠人 人自遠矣 正同我迦文之教義也 故曰易也者 緣起原乎性覺之中 蓋與吾教相為表裏 是亦還源入法之初門 不可不明也 夫易之為道 原於太極 而太極又本乎無極 無極者 湛寂虛明 抱括十虛之謂也 即佛之法身是也 極乎無極之中 靈妙將發 謂之太極 太極者 含畜一真 充塞六合之謂也 靈妙發矣 一氣盛矣 謂之太初 氣之轉旋 謂之太始 靈妙純真 謂之太素 一氣判而清濁分 謂之兩儀 氣清而上者 謂之陽 氣濁而下者 謂之陰 即佛之報身是也 陰陽各分 二六為二十四氣 四六錯綜 而五行生乎其中矣 如有一顆種子 初若混沌未分 然衆妙摠在裏許 即法身太極之體也 及其萌動也 根盤于下 芽中于上 即報身兩儀之象也 上下根

枝分攏一狀 氣脉錯綜 而枝葉花果生焉 即佛之化身 造化之用也 此以二十四氣 錯綜於九宮 而五行生成之數了如指掌 足以見義文周孔四聖人之發揮 同出一心 造化生生之妙 而亦現矣 學易者 宜善參詳 向一氣未發已前 回光一覽 便見自己太極 見自己太極 則便見自己乾坤 見自己乾坤 則便見自己造化 見自己造化 則可以與天地參矣

後以論義 正釋文二 一總叙大義 文前質疑

性教云 一切衆生 皆有空寂真心 無始本來 自性清淨 明明不昧 了了常知 盡未來際 常住不滅 妄想翳之 不自證得 故大覺愍之 開示此心 全同諸佛 又華嚴云 佛子 無一衆生而不具有如來智慧 但以妄想執着 而不證得 若離妄想 一切智自然智無碍智 即得現前 楞嚴云 寶覺真心 各各圓滿 如我按指海印發明 汝暫學心 塵勞先起 由不勤求無上覺道 愛念小乘 得小為足 圭山曰 六道凡夫 三乘賢聖根本 悉是靈明清淨 一法界心性

覺寶光 各各圓滿 然則人雖優劣 真體隨人 一理齊平 故無增減也 論又云 所言法者 謂衆生心 賢首釋曰 法有五重 初唯一心為本源 牧牛子曰 是心即是真如生滅二門三大之源 裴相國云 是衆生之本源 故曰心地 荷澤曰 諸佛之本源 神會之佛性 圭山又曰 是衆生迷悟之源 故名如來藏 然則迷悟凡聖 豈無各各圓滿之心性道理也 古德曰 此真知見 生佛等有本來清淨 唯人以妄塵所染 無明所覆 而自迷失故 佛與開示 便得本來清淨者 而自悟入 不復迷失也 又曰 人本具 則何獨如來有是法哉 佛與衆生 同一法性 如帝網珠 互相攝入 無有差別 高峯云 是法平等故 無尊卑無男女 無老少 此等皆中間漢子 人介介之本來圓成者也 是故古人曰 佛者覺 是人人介介之本性 有大靈覺 本無生滅 亘古今而自在者 此豈不是無量壽佛也 如山曰 下凡真隨妄轉 唯背無順 持珠作丐 所謂衆生日用不知也 經山曰 若離日用 別有趣向 則

●撰者名 編者補入。

是離波求水 離器求金 求之愈遠矣
龐老曰 日用事無別 唯吾自偶諧 神
通并妙用 運水及般柴 六祖云 一物
常在動用中 動用中收不得 如上等說
豈非當人妙心人人本有底一物者也
然則法者一物 人者 衆生 人與法不
相離故也 故一古人曰 道不遠人人
自遠矣 又頌曰

與君同步又同行 起坐相將歲月長
渴飲飢食常對面 不須回首更思量

正謂此也 然此心性之爲體也 曆千劫
而不古 亘萬歲而長今多 徑海嶽相遷
幾見風雲變態 能小而細入鄰虛 能大
而廣包法界 乾坤在其內 日月處其中
故云法中王最高勝 恒沙如來同共證
者是也 此是人人各各圓滿之根源也
有人若曰 人人法身 摠爲一者 然則
諸佛同證時 何故衆生法身 今在妄想
中也 又若實爲一者 恒沙如來 一時
同證也 各各證也 舌頭具眼勝智 到
此子細看 有人云 此衆生心 與彼太
極一體非也 何 性覺必明 妄爲明覺
者是也 明覺者 業相也 如雞子混合
正同一太極未分之時也 天地陰陽以

太極爲本分之故也 又吾家轉現二相
者 皆以業相爲本 世界起始 衆生起
始生焉 如上兩家二節者 皆性覺必明
之後 以虛妄之事爲實惑矣 又天地陰
陽一十四氣 金木水火土等五行 皆
以太極爲本 正如吾家心境萬法 以無
極爲本也 無極者 佛之法身是也 如
此等說 皆舉類而已 儒釋之理則不同
也 明矣 故圭山曰 元亨利貞 乾之德
也 始於一氣 常樂我淨 佛之德也 本
乎一心 正謂此也 太極者 一氣也 一
心者 法身也 儒釋不同於此可知矣 向
者虛妄之事 嘗試論之 夫大性 先非
七大 全一如來 莊體 循業發現而已
然則凡我依正 先非根身 亦非器界
皆則循業之相 性真圓融 初無生滅
循業發現云云者 佛直示大性 非和不
和之理 夫水何和而成冰 冰何和而成
水 七大之性 不因和合 循業發現 如
此而已 如今盛有經論大德 此等大德
一口如出一法身 法身云云 吾未知其
虛實也 沉思聊揣 豈無疑也 無乃黃
面老子 末年老耄 而錯指示人而然也
然性教云 一切衆生 皆有空寂真心 而

皆謂不然 然則必是六朝聖師翻譯誤
也 何故一切經論 皆曰各各圓滿故也
不知一法身之說 在何經中也 七佛經
中 未之有也 若人云 自法身之外 更
有都爲一法身者 應有諍論之勢何也
若二鬼之爭一屍也 亦如取公然之物
爲自己之物者 也是賊取者也 何則取
公然之法身 爲自私之心故也 若曰摠
爲一者 何故佛謂阿難曰 必汝執言身
眼兩覺 應有二知 即汝一身 應成兩
佛 若一身之中 但有一佛 則各各圓
滿之說 豈欺人哉 又沙界衆生云 一
性 然則一人之心 分爲多衆心則可也
又一切人之心 合爲一人之心也 則汝
心分爲幾人之心也 以幾人之心 合爲
汝心也 聖說但有分形千億之說 身分
諸佛之說 而未聞心分之說 智者思之
虛空有形之物 難作兩端 何況心有分
而合之之事乎 故佛云 不應說言見有
叙縮 然則各各圓滿之義 秋毫不忒矣
心見無相 非干合分 更試論之

故佛又云 若見 是物則汝 亦可見吾
之見 物則可見 若同見者 名爲見吾

①徑與「經」通。②莊當作「藏」。③「欺」作「期」。

吾不見時 何不見吾不見之處 同見者 依物之迹也 不見者 離物之體也 若謂吾汝同見一物 是見吾之見 特迹而已 當吾離物 不見之時 其體何在 既無處可見 定非是物矣

又凡聖等有之義 細細分之 河沙衆生 煩惱心中 佛性反流出纏 則是則名爲河沙諸佛也 故曰迷自心故衆生 悟自心故佛 而佛即衆生 衆生即佛 由迷悟故有彼此也 今時學者 不悟自心 不得安樂解脫 心外覓佛 惑矣 故曰離心求佛者 外道 執心爲佛者 爲魔 若悟此心 本來成佛 究竟自在 如實安樂 種種妙用 亦不從外來 爲本自具足 故藏疏云 若此真體 無性德者 如來證此 不應具德 既證性已 萬德圓備 即驗真如本具也 然佛與法之名 雖曰一字 其實本有之真體 生佛等有 故箇箇圓成之義明矣 故曰以一物觀之 則人人面目 本來圓成 豈假他人添脂着粉也 故曰人各有不亡者存焉 此其圓滿之證也 然衆生 雖曰圓成 生無慧目 甘受輪轉故 若非出世之金鑑 誰刮無明之厚膜也 然則大悲之恩 恒

沙身命難報萬一也

又古人般若題下畫圓相 般若此云智慧 即是圓相 與一物下畫圓相一體 一物者 亦是最初一句子 最清淨法界也 其實皆指性覺 亦指無極也 向者易義 更嘗論之 故曰夫易之爲道 原於太極 而太極又本乎無極 無極者 湛寂虛明 抱括十虛之謂也 即佛之法身是也 又極乎無極之中 靈妙將發 謂之太極 太極者 含畜一眞 充塞六合之謂也 然則太極者 性覺必明 妄爲明覺者也 無疑矣 何也 易也者 緣起 原乎性覺之中云 正謂明覺也 如所謂七大 皆因識變故 惛之以識 識則性覺之中 妄爲明覺者也 故論云 當知世間一切境界 皆依衆生無明妄心 而得住持 疏曰若無明未盡已還 此識住持境界不息也 可與太極之道無異也 明矣 如上等說 乃古非今也 學者詳之 疏又曰 上文中 辨佛報化之用 則在於衆生心中 今辨衆生妄法 則在於佛心之上 良以心源無二 故得然也 此中衆生心者 現識也 華嚴云 心如佛亦尔 如佛衆生然 心佛及衆生 是

三無差別 又此唯心者 通眞妄八識 通如來藏故 以心爲因 不覺爲緣 則生三細等 反推其源 即眞心矣 環師云 既一迷此 則決定以心爲在幻質之內 曾不知妙明眞心 範圍天地 包吞萬象 乃認之於蕞爾身中 何異弄彼無邊刹海 認一浮漚 以爲全潮之體 溟渤之量 故前近取諸身 現如來藏 此復遠取諸物 圓示藏性 故皆依根身器界 以明使悟物我同根 是非一體 法法圓成 塵塵周徧 法界頌云 若人欲識眞空理 處皆同眞法界 此七大之旨也 循業發現者有二 一謂淨緣起 依眞發現也 二謂染緣起 隨妄發現也 隨妄發現者 亦有二種 一或就未起 以眞如本覺爲因 無明爲緣 生三細六塵 二或約起已 以都位黎耶爲因 無明爲緣 亦有三細六塵 然隨緣之義 難名目 故文中前後綺互言耳 依眞發現者 亦一一初悟時 因該果海 二悟後 修證中 果徹因源 次上一節 皆是本覺隨染還淨之相 故論云 如實修行 滿足方便 故破

①「惑」作「感」②「證」底本作「訂」編者改書爲「證」以下做此。